



AFRICA.

LIBER QVARTVS.



Am de Africa dicendum, quæ ex tribus diœcesibus Præfecto Prætorio Italiæ subiectis vltima nobis est illustranda. Hanc non latè describam, vt tertia mundi pars est, quæ vndique ferè ad modum peninsulæ Oceano, mari Mediterraneo & Rubro alluitur, breui tantum isthmo Asiæ iuncta, & angusto freto ab Europa distincta. Nec etiam de illa strictiori significatione accepta dicam, prout Africæ prouincia specialis, & prima è Romanis habetur, cuius Metropolis erat Carthago: sed ea qua primum diuisa legitur à Ptolemæo in Africā, Mauritaniā Tingitanā, & Mauritaniā Cæsariensem; & postea sub Constantio, in Mauritaniā, Numidiā, & Africā. Sic eo modo sumpta describitur in perantiqua Notitia Græca^a, eius Imperatoris, vt ferunt, temporibus facta. [Vergentem ad Austri terram inuenies, terram Mauritaniā, cuius homines barbari quantum ad vitam & mores, Romanis tamen subditi. Hæc prouincia vestium & mancipiorum mercaturam exercet, frumentoque abundat, & ciuitatem habet Cæsaream. Exinde post Mauritaniā, Numidia prouincia est, frugibus abundans, sibi que sufficiens, quæque vestium variarum, & optimorum animalium, seu equorum mercaturam exercet. Proxima huic prouinciæ, Africæ regio in omnibus diues occurrit: quæ omnis generis bonis ornata est, frugibus etiam & iumentis: & ipsa fermè omnibus gentibus vsum olei præstat.]

I.
AFRICÆ DESCRI-
PTIO, ET DIVISIO
CIVILIS.

^a Ex Notitia Græca
tempore Constan-
tij Imp. facta.

Tandem in septem prouincias distributa est, Proconsularem, Numidiā, Byzacenā, Mauritaniā Cæsariensem, Sitifensem, Tingitanā, & Tripolim. Hæc docet Notitia ciuili Imperij, nec non Proconsularem ab vno Proconsule à Vicarij authoritate exempto fuisse administratam, quippe qui soli Præfecto Prætorio Italiæ pareret, sicut Proconsules Asiæ & Achaïæ solis Orientis & Illyrici Præfectis subiecti erant: Bizacium autem, Numidiā, Mauritaniā Sitifensem, Mauritaniā Cæsariensem, & Tripolim à quinque Reëtoribus tunc gubernari, apud eam quoque legere est, quorum duo Consulares Numidiæ & Bizacio præerant; & tres Præsides Tripolitanā, Mauritaniā Sitifensem, & Mauritaniā Cæsariensem regabant. Nulla sit apud eam Tingitanæ mentio, & ratio est, quod tunc Vi-